



INFORMASHON

Fecha
29 di ougùstùs 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Kontrolá barkunan stranhero ku ta bishita nos hafnan

Outoridat Marítimo di Kòrsou tin e tarea di kontrolá barkunan stranhero ku ta bishita nos hafnan.

Diariamente tin diferente barku stranhero, esta barkunan ku no ta registrá na Kòrsou, ta bishita nos hafnan. MAC ta kontrolá e barkunan aki. e tarea aki ta komparabel ku tarea di polis, esta manten'é òrdu i garantisá seguridat di nos pais. E tarea aki ta basa riba diferente akuerdonan internashonal di e Organisashon Marítimo Internashonal.

A base di e leinan internashonal vigente, MAC ta kontrolá e barkunan aki riba e aspektonan mas importante di seguridat i ta chek tambe si nan papelnan ta na òrdu. Reino Hulandes ta miembro di e Organisashon Marítimo Internashonal, pero MAC ta kontrolá e barkunan stranhero aki na nòmber di Kòrsou komo pais outónimo. Ta raportá tokante di esaki na e Organisashon Karibense Marítimo (CMOU). Den e organisashon aki, tur miembro di IMO di Karibe ta traha huntu.

Kontròl di nabegashon i negoshi den nos hafnan mes ta bou di enkargo di Havenmeester i Servisio di Seguridat di Haf. MAC ta traha hopi di aserka ku e instansianan aki.